

დაბა ლენტეხის წყალსადენის სისტემის რეაბილიტაცია.
თვითღენითი წყალდენი "თავადის" წყაროდან "ყარიშის" რეზერვუარამდე

(შემდგომში "ხელშეკრულება")

წინამდებარე ხელშეკრულების დამატება №2 (შემდგომში „ხელშეკრულების დამატება №2“)
გაფორმდა

2013 წლის 19 თებერვალს

ერთის მხრივ საქართველოს მუნიციპალური განვითარების ფონდსა (შემდგომში „შემსყიდველი“),
რომლის მისამართია დ. აღმაშენებლის გამზირი 150, ქ. თბილისი 0112, საქართველო

და

მეორეს მხრივ შპს „მეოხი“ შორის (შემდგომში „მიმწოდებელი“),
რომლის მისამართია: ნიკეას ქ. №6, ქ. ქუთაისი, საქართველო, შორის

ხელშეკრულებით გათვალისწინებული სამუშაოები დასრულებულია ვადაში. ხელშეკრულების მოქმედების ვადა ამოიწურა 2012 წლის 31 დეკემბერს და დარჩენილია ხელშეკრულების პირობებით გათვალისწინებული საბოლოო ანგარიშსწორება. „სახელმწიფო შესყიდვების შესახებ“ საქართველოს კანონის 9.1 მუხლის შესაბამისად, საქართველოს ფინანსთა სამინისტრომ (მგფ-ის 2012 წლის 28 დეკემბრის № 3344 წერილი და მასზე ფინანსთა მინისტრის მოადგილის 2012 წლის 31 დეკემბრის №04-02/85723 პასუხი) თანხმობა განაცხადა ამ ხელშეკრულებით გათვალისწინებული სამუშაოების მრავალწლიან შესყიდვაზე (იხ. მგფ-ს №3344 წერილი და მისი №1 დანართი). საქართველოს ფინანსთა სამინისტროს თანხმობა კი მგფ-ში მიღებული იქნა 2013 წლის დასაწყისში, ანუ, მაშინ, როცა ხელშეკრულებაში მოქმედების ვადად მითითებული 2012 წლის 31 დეკემბერი გასული იყო.

ზემოთქმულთან ერთად მხედველობაში ვიღებთ რა იმ გარემოებასაც, რომ მხარეთა შორის ფაქტობრივად დღემდე გრძელდება სახელშეკრულებო ურთიერთობები და ისინი არ შეწყვეტილა. უნდა დაწესდეს დამატებითი დრო და ის გავრცელდეს 2013 წლის 1-ლი იანვრიდან წარმოშობილ ურთიერთობებზე.

აღნიშნულის გათვალისწინებით მხარეები შეთანხმდნენ შემდეგზე:

1. ხელშეკრულების ღირებულება 406,649.12 ლარი შემცირდა 5,385.12 ლარით. შესაბამისად, ხელშეკრულების საბოლოო ღირებულება შეადგენს 401,264.00 (ოთხას ერთი ათას ორასსამოცდაოთხი) ლარს დღგ-ს ჩათვლით;

2. ცვლილება შევიდეს ხელშეკრულების სპეციფიკური პირობების მე-3 პუნქტის „სამუშაოთა შესრულების პირობები (4)“ მე-3 აბზაცში და იგი ჩამოყალიბდეს შემდეგნაირად;

„ხელშეკრულების მოქმედების ვადაა 2013 წლის 31 დეკემბერი;
სხვა დანარჩენი რჩება უცვლელი.

3. წინამდებარე ხელშეკრულების დამატება №2 ძალაშია მისი ხელმოწერის დღიდან.

4. წინამდებარე ხელშეკრულების დამატება №2 წარმოადგენს 2012 წლის 30 ივლისს დადებული ხელშეკრულების № GOG/CW/D/1070/135-2012 განუყოფელ ნაწილს.

ხელშეკრულების მონაწილე მხარეები ზემოთ მითითებული თარიღით ხელს აწერენ წინამდებარე „ხელშეკრულების დამატება №2“-ს.

შემსყიდველი

მიმწოდებელი



ელგუჯა ხოკრიშვილი

სსიპ საქართველოს მუნიციპალური განვითარების ფონდის აღმასრულებელი დირექტორი



ჯემალ კვერნაძე

შპს „მეოხი“ - ს
დირექტორი

[Handwritten signature]

[Handwritten signature]

[Handwritten signature]